



本草述卷三十二

潛江劉若金先生著 戴進薛恮秉之氏校訂

人部

髮

草木子云精之榮以鬚氣之榮以眉血之榮以髮  
類苑云髮屬心稟火氣而上生鬚屬腎稟水氣而  
下生眉屬肝稟木氣而側生故男子腎氣外行而  
有鬚女子官人則無鬚而眉髮不異也

髮

音破

亂髮

時珍曰髮髮乃剪鬚

音剃

下髮也

亂髮乃梳櫛下髮也

髮髮雷斅曰是男子二十已來無疾患顏色紅

白於頂心剪下者入丸藥膏中用氣味苦溫無

毒別錄小寒主治五癰關格不通利小便水

道小兒驚大人瘧本經合雞子黃煎之化為水療小

兒驚熱百病別錄止血悶血暈金瘡傷風日華

亂髮氣味苦微溫無毒升溪曰補陰之功甚

捷消瘀血希雍曰經云男子八歲腎氣盛齒更

髮長是髮因人之血氣以為生長榮枯也故血盛

之人則髮潤而黑血枯之人則髮燥而黃本經用

髮髮之意為是繆氏主用髮髮極為有理第閱

方書所用。如傳尸勞及洩血下血淋證之治。并前  
陰諸疾與痔。皆止云髮。且多云亂髮。未及髮髮之  
用也。繆氏又云髮髮一時難得。而亂髮之取效。亦  
不甚相遠。故別錄重出此條。以是說合於方書之  
所用。則亂髮可代髮髮矣。

愚按先哲曰。血之榮以髮。又曰。髮屬心。稟火氣而  
上生。在丹溪曰。髮髮補陰之功甚捷。若然。以補陰  
之功。合參於稟火氣而上生者。則所補者陽中之  
陰也。夫血原生於陽中之陰。氣原生於陰中之陽。  
本陽中之陰所生者。上榮於髮。卽以其精氣之所

榮者還返於陽中之陰。故丹溪謂其補陰之功甚捷也。然更云其消瘀血者。何哉。蓋以補爲行耳。此之爲補。非益其所本無。乃還其所本有。不凌節。不造次。故補卽得行。夫人身氣血。生與化。其機合而有之。丹溪云捷固然。然亦屬強名也。抑本經首主五癰關格不通利小便水道。其義奚若。蓋水與血是二是一。何疑於水道之利乎。更主小兒驚。大人瘈者。與補陽中之陰。其義正合。緣病於驚與瘈之由。陽中陰虛也。卽日華子云。血悶血暈。金瘡傷風等證。胥此治者。病機亦不越於陽中之陰虛。其微

義可細參也。是則茲味補陰一語，豈可泛泛例視乎哉。附方：鼻衄血餘，燒灰吹之立止。肺疽吐血，髮灰一錢，米醋二合，白湯一盞調服。小便尿血，髮灰二錢，醋湯服。血淋苦痛，亂髮燒存性二錢，入麝少許，米飲服。大便瀉血，血餘半兩，燒灰，雞冠花、柏葉各一兩，爲末，臥時酒服二錢，來早以溫酒一盞投之一服見效。女子漏血，亂髮洗淨，燒研空心溫酒服一錢。女勞黃疸，用豬膏半斤，亂髮雞子大三枚，和煎髮消藥成矣，分再服，病從小便中出也。黃疸尿赤，亂髮灰水服一錢，日

三吹秘方也 破傷中風亂髮如雞子大無油器  
中熬焦黑研以好酒一盞沃之入何首烏末二錢  
灌之少頃再灌 疔腫惡瘡亂髮鼠屎等分燒灰  
針入瘡內大良 瘡口不合亂髮露蜂房蛇蛻皮  
各燒存性一錢用溫酒食前調服神妙  
希雍曰髮灰走血分而帶散其主諸血證似未能  
全仗其補益也經熬燉成末後氣味不佳胃弱者  
勿服入外科藥殊有神效

修治 不拘新剪舊落或自己髮或無病人髮或

童男胎髮並好用皂角水洗淨入罐內燒存性用

煎膏長肉消瘀血 大抵髮之用以燒灰存性者  
多而日華子所云長肉消瘀血則以煎膏其用之  
不同有如此者須參之 希雍曰入諸膏藥內能  
消毒止痛長肉生肌

人屎

氣味苦寒無毒 主治時行大熱狂走解諸毒療  
翻胃及痘瘡黑陷傳癰腫發背瘡漏新者封疔腫  
一曰根爛

人中黃即多年廁坑中甄上所凝結黃泥音吟去聲方言

垢凝是也藥性治療大約與人屎同解胃家熱毒

有效

糞清

一名黃龍湯  
俗名金汁

取法臘月截淡竹一段去青

留底二節上節發竅以大甘草納竹筒內以木塞  
上竅以留節一頭插於糞缸中浸一月取出曬乾  
待用 又法在寒冬月將竹籬閣盆上用椶皮綿  
紙鋪籬中上鋪黃土五寸澆糞汁淋土上濾取清  
汁入新甕內枕覆定理土中一年取出清若泉水  
全無穢氣年久者彌佳比竹筒滲法更妙 主治  
天行時熱彌善療陰虛燥熱尤良 中梓曰按金  
汁濁陰歸下竅有降無升入土既久去濁留清身

中諸火逆上仍用身中降火之品治之此竹破須  
將竹補抱雞還用卵爲之法也陽明實熱發狂痘  
瘡紫黑乾枯非此莫能治療 希雍曰入足陽明  
經經曰陽明實熱則登高而歌棄衣而走人糞苦  
寒能除陽明之熱故療時行大熱狂走也凡毒必  
熱必辛苦寒能除辛熱故又主解諸毒今人以之  
治痘瘡血熱紫黑倒靨者殊效及一切傳癰腫瘡  
漏固皆取其苦寒能散熱解毒較於草木之味更  
有力也

愚按治陽明入府之實熱卽用陽明府轉化之濁

陰可謂善於對待矣。然何以別於小水之用乎。蓋緣雖同爲濁陰。而此之濁更甚於小水。濁甚而氣之陰亦甚。故曰其氣味苦寒。與小水之鹹寒者不同也。濁陰皆歸下竅。而濁之甚者尤善降。此其異於小水之用者也。至解諸毒如希雍所云。以苦寒除辛熱。良然。第苦寒之味不少矣。何爲臭穢之物較勝耶。蓋毒之傷人臟腑。卽解以臟腑所轉化之苦寒。不更親切而善於脫化乎哉。

附方 熱病發狂奔走似癲。如見鬼神。久不得汗。及不知人事者。以人中黃入大罐內。以泥固濟。煅半日。去火毒。

研末新汲水服三錢未退再服 大熱狂渴乾陳  
人屎爲末於陰地淨黃土中作五六寸小坑將末  
三兩匙於坑中以新汲水調勻良久澄清細細與  
飲卽解世俗謂之地清 噎膈反胃諸藥不效真  
阿魏一錢野外乾人屎三錢爲末五更以薑片蘸  
食能起死人乃趙王國方也 蟲毒百毒及諸熱  
毒時氣熱病口鼻出血用人屎尖七枚燒灰水調  
頓服溫覆取汗卽愈勿輕此方神驗者也 諸毒  
卒惡熱悶欲死者新糞汁水和服或乾者燒末漬  
汁飲名破棺湯 其治痘瘡黑陷及癰腫瘡漏等

證見幼科外證

希雍曰傷寒溫疫非陽明實熱者不宜用痘瘡非  
火熱鬱滯因而紫黑乾陷倒靨者不宜用以其苦  
寒之極耳 又治翻胃唯結熱者宜

人尿 一名輪迴酒 還元湯

更取童子者膀胱無龍火也禁童子五辛熱物

氣味鹹寒無毒 主治滋陰降火治勞熱欬嗽鼻

洪吐衄療熱狂及中暍並撲損瘀血產後敗血攻

心 時珍曰小便性溫不寒飲之入胃隨脾氣上

歸於肺下通水道而入膀胱乃其舊路也故能治

肺病引火下行人身清者爲氣濁者爲血小便與  
血同類也故其味鹹而走血治諸血病也按褚澄  
遺書云人喉有竅則欬血殺人喉不停物毫髮必  
欬血旣滲入愈滲愈欬愈滲惟飲溲溺則百  
不一死若服寒涼則百不一生又吳球諸證辨疑  
云諸虛吐衄咯血須用童子小便其效甚速不徒  
降火且消瘀血但取十二歲以下者絕其烹炮鹹  
酸與米飲以助水道每一盞入薑汁或韭汁少許  
徐徐服之日進二三服久自有效寒天則重湯溫  
服 丹溪曰童便降火甚速 希雍曰人溺乃北

方水化其功潤下其味鹹氣寒無毒爲除勞熱骨  
蒸咳嗽吐血及產後血暈悶絕之聖藥法當熱飲  
熱則於中尙存真氣其存自速冷則惟存鹹味寒  
性矣 同枇杷葉天冬麥冬蘇子桑白皮沙參五  
味子生地黃欬冬花百部治陰虛咳嗽聲啞喉間  
血腥氣 同蘇木番降香續斷牛膝丹皮蒲黃治  
內傷吐血或瘀血停留作痛 同澤蘭荆芥白芷  
續斷延胡索牛膝蘇木黑豆治產後血暈虛者加  
人參 凡產後溫飲一盃可免血暈至三日後止  
之 附方 久嗽涕唾肺痿時時寒熱頰赤氣急

用童子便去頭尾少許五合取大粉甘草一寸四  
破浸之露一夜去甘草平旦頓服或同甘草末一  
錢服亦可一日一劑中暈昏倒以熱小便灌下

卽活 夏日人在途中熱死急移陰處就掬道上

熱土擁臍上作窩令人溺滿暖氣透臍卽甦乃服

地漿蒜水等藥

此方已見土部道上熱土下畧同

林億云此法

出自張仲景其意殊絕救人倏忽蓋臍乃命蒂暑  
暈傷氣溫臍所以接其元氣之意 折傷跌撲童

便入少酒飲之推陳致新其功甚大薛已云予在

居庸見覆車被傷七人仆地呻吟令灌此皆得無

本草通串 卷之三十一  
事凡一切傷損不問壯弱及有無瘀血俱宜服此  
若脇脹或作痛或發熱煩燥口渴惟服此一甌勝  
似他藥他藥雖效恐無瘀血反致誤人童便不動  
臟腑不傷氣血萬無一失軍中多用此屢試有驗  
赤目腫痛自已小便乘熱抹洗卽閉目少頃此  
以真氣退去邪熱也

愚按人溺主治類言其滋陰降火而未悉其所以  
然也蓋欲究人身之水化當先明於氣化次更明  
於血化而氣化血化之玄機總不外於升降不失  
其職清濁無或相干耳其所謂水化者坎也乾水